



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

An liceat habere plura beneficia simplicia absque dispensatione. Cap. II.

urn:nbn:de:hbz:466:1-11401

alienatio rerum ecclesie nu. 49.

- 6 Excusatur tamen ab huiusmodi pœnis qui per vnum, aut paucos dies tonsuram, & habitum non gestat: nam ad eas incurrendas requiritur talis perseverantia, vt publicè pro laico existimetur *Piassec. loco cit. nu. 14. Quarant. ubi supra Ricc. in Prax. for. eccl. par. 3. ref. 476. & par. 4. ref. 237. Barbos. d. all. 9. num. 20. Dian. par. 5. tr. 5. ref. 60.*
- 7 Secundò si propter paupertatè habitum congruentem deferre non potest, aut si propter aliquod verisimile periculum transformari cogeretur *Quarant. loco cit. Bellet. tit. de Discipl. cleric. §. 16. nu. 15. Piassec. d. num. 14. Ricc. in Prax. p. 1. resolutione 540.*
- 8 Tertiò excusatur ex causa itineris, aut peregrinationis, aut si Ruri moretur, aut domi; tunc enim licitum est habere vestes breuiiores *c. Episcopi. 21. q. 4. Bellet. loco citato num. 14. Ricc. in Prax. par. 4. resol. 237. Piassec. ubi supra, ubi refert decretum Sac. Cong.*
- 9 Quartò si propter infirmitatem, aut aliud simile impedimentum nequit tonsuram deferre *Clar. §. fin. q. 36. vers. quæro nunc Quarant. in ven. habitus clericalis Ricc. in Prax. par. 1. ref. 540. & par. 4. ref. 237. & alij apud Barbos. d. all. 9. n. 11. & 17.*
- 10 Quintò ad effugiendas supradictas pœnas sufficeret, vt vel toga, vel pallium talare sit: non enim necesse est deferre duas vestes talaras, vt dicunt DD. quos refert, & sequitur *Dian. par. 4. tr. 1. resol. 91. Barbos. par. 2. d. all. 9. num. 15. Ricc.*

in Prax. par. 4. ref. 236.

- 11 Sextò Pensionarius non amittit pensionè ex eo, quia non incedat in habitu, nisi cõstet de exactione pensionis: quia dicta constitutio Sixti V. *incip. Pastoralis*, priuat tantum illos Pensionarios, qui pensiones exigunt, vel per quos stat, quominus exigantur *Rot. coram Gregor. dec. 20. in fin. Ricc. in Prax. d. par. 4. ref. 237.*

SVM MARIVM.

- 1 An plura beneficia retineri possint absque dispensatione, & numero 2.
- 3 An possit Episcopus tria, vel plura beneficia conferre, & n. 4.
- 5 Duo beneficia curata, vel alias residentiam requirentia non possunt simul retineri etiamsi essent insufficientia.
- 6 An ordinarius possit conferre secundum beneficium obtinèti primum, quod per se esset sufficiens, sed tamen ad sustentationem non sufficit propter onus pensionis.
- 7 Et an possit beneficiũ conferre habenti iam in pensionibus ecclesiasticis sufficientem sustentationem.
- 8 An possit tolerari pluralitas beneficiorum, si ita in fundatione cautum sit.
- Et an minor 14. annorum possit in tali casu beneficium simplex adipisci, ibidem.

CAP. II.

An liceat habere plura beneficia simplicia absque dispensatione.

Doctores in hoc differunt: alij enim tenent, posse Clericum absque dispensatione retinere plura beneficia simplicia residentiam non requirentia, aut vnum curatum, & residentiam requirēs cum alijs simplicibus residentiam non requirentibus, etiam si vnum sufficiat ad sustentationem, dummodò non sit multitudo beneficiorum, quæ sonet in vitium ita *Inuoc. in cap. cum iam dudum de Preb. Lap. all. 35. num. 1. & all. 116. in fin. & 117. numer. 2. Tusc. tom. 2. concl. 834. litt. C. Piassec. in Prax. Episcop. par. 2. cap. 5. nu. 27. Ferret. conf. 255. num. 3. & alij apud Garc. de Benef. par. 11. cap. 5. nu. 264. & seq.*

Alij verò contrarium asserunt, videlicet quod non possunt plura beneficia etiam simplicia absque dispensatione retineri, quando vnum sufficit ad sustentationem ita *Sylu. in sum. ver. beneficium 4. num. 2. Diaz. in Pract. crim. canon. 15. 49. per tot. Azor. 2. par. instit. mor. lib. 3. c. 7. q. 4. Mádof. ad Lap. all. 117. litt. B. & alij, & ita etiam statuit Concilium Tridentinum sess. 24. de ref. cap. 17. ibi, ut in posterum vnum tantum beneficium ecclesiasticum singulis conferatur, quod quidem si ad vitam eius, cui confertur honeste sustentandam non sufficiat,*

liceat nihilominus aliud simplex sufficiens, dummodò vtrumque personale residentiam non requirat, eidem conferri.

Ex quo obseruāt Doctores, non posse Episcopum absque dispensatione apostolica tria, aut plura beneficia conferre, etiam si duo non sufficerent ad sustentationē ita *Salzed. ad Diaz. in Pract. crim. canon. c. 49. litt. C. Vinian. in Prax. Jurispatr. par. 2. lib. 6. cap. 10. nu. 3. & alij apud Barbof. de offic. & pot. Episc. par. 3. all. 62.*

Alij tamen putant, licitum esse absque dispensatione obtinere plura beneficia simplicia, quæ residentiam non requirunt, quando vnum, aut duo non essent sufficientia, & idēo habenti vnum, aut plura beneficia insufficientia posse aliud, seu alia multa conferri vsque ad cōgruam Beneficiarij sustentationem ita *Nau. conf. 10. & conf. 35. de Preb. Zerol. in Prax. Episcop. par. 2. ver. conformitas Barbof. d. all. 62. num. 10. Ricc. in collect. dec. 474. Gonz. super. reg. 8. Cancell. glos. 15. num. 39. Flamin. Paris. de Resign. benefic. lib. 3. q. 1. num. 141. et ita etiam tenuit Abb. in cap. cum iam dudum nu. 8. de Preb. & conf. 96. num. 2. vers. contrariam sententiam Lambertin. de Iurepatr. par. 1. lib. 2. q. 7. art. 15. num. 3. & seq. & communem dicit Hoied. par. 2. de benefic. compatib. cap. 1. num. 15. & 37. in fin.*

Idque probant ex stilo Romanæ curiæ, quia post publicationē Concilij Tridentini, & eius confirmationē Romani Pontifices sæpissimè concedunt vni Beneficia

rio multa beneficia simplicia, qua simul residentiam non requirunt, nec potest dici, Papam in tali casu tacite dispensare, tum quia hoc tollitur *ex cap. non potest de Præb. in 6. ibi, cum verò tibi non obstante, quod aliud beneficium obtinere noscaris, à sede prædicta de aliquo beneficio provideri contingit, per hoc tecum, ut primum beneficium cum secundo retinere valeas, non intelligitur dispensatum*: tum quia requireretur in tali casu expressa mentio, seu derogatio Concilij iuxta capit. ex parte de Capel. mon. ut advertit Gonzal. d. glos. 15 num. 36. tum etiam quia post Concilium Tridentinum, sicut antea ordinarij communiter contulerunt, & conferunt vni plura beneficia ultra duo, & omnia simul retinentur, dummodò alias non sint incompatibilia, ut observat *Garc. d. p. 11. cap. 5. num. 323. & seq. ubi etiam dicit, illud decretum Concilij sess. 24. cap. 17. non esse vsu receptum, additque Ferrett. d. cons. 255. num. 3. quod hanc consuetudinem generalem Papa scit, & tolerat*.

5 Observant 2. duo beneficia curata, vel alias residentiam requiruntia non posse simul absque dispensatione apostolica retineri, etiam si essent, insufficientia *Azor. instit. mor. par. 2. lib. 3. cap. 7. quest. 4. Vinnian. in Prax. Jurisp. par. 2. lib. 6. cap. 19. n. 15. Zerolin. in Prax. Episc. ver. beneficia §. ad septimum concl. 7. & ita declaravit Sac. Cong. ac Rota decis. 310. num. 4. par. 2. Recent. ut refert Barbof. d. par. 3. all. 63. n. 20. licet contrarium in puncto iuris communis defendi posset per tex.*

in cap. eam te de etat. & qual.

6 Observant 3. ordinarium posse conferre secundum beneficium, obtinenti primum sufficiens iuxta suum verum valorem ad honestam ipsius possidentis sustentationem, si tempore, quo secundum confertur, non sufficiat propter onus pensionis super tali beneficio impositum: dummodò prout post collationem sibi factam huiusmodi pensioni non cõsenserit *Garc. de Benefic. par. 11. cap. 5. num. 310. in fin. ubi asserit ita declarasse Sac. Cong. Barbof. par. 3. all. 62. n. 7*.

7 Observant 4. posse Episcopum beneficium conferre habenti iam in pensionibus ecclesiasticis sufficientem sustentationem, quia pensio non est ecclesiasticum beneficium ita resoluit *Sac. Cong. teste eodem Garc. d. par. 11. cap. 5. num. 310. Barbof. loco cit. d. num. 7. Vinnian. par. 2. lib. 6. cap. 10. num. 16. Vnde pensiones non inducunt incompatibilitatem aliquam cū beneficijs Gõz. super reg. 8. Cancell. glos. 5. §. 5. n. 14. Hoied. 2. p. cap. 7. num. 1. Azor. 2. p. lib. 8. cap. 10. quest. 8. & c. 12. quest. 6. Ricc. in Prax. for. ecclæs. p. 1. resol. 272. etiam si plures pensiones quis habeat sub eodem tecto Gig. de Pensionib. q. 32. quod procedit, quando pensio non assignatur in titulum beneficij secundum Hoied. p. par. cap. 20. n. 18. & 22.*

8 Observant 5. quod licet canones ubique damnent pluralitatem beneficiorum, tolerari tamen potest lex contraria in fundatione apposita: quia id non habet perpetuam prohibitionem à iure natura, sed dumtaxat à positivo, ita *Garc.*

Garc. d. par. 11. cap. 5. nu. 280. & fuit resolutum in Vallisolatana Archidiaconatus 16. Nouëbris 1616. coram Coccino Decano, ut refert Barbof. de offic. & pot. Episc. par. 3. alleg. 70. num. 44. ex quo infert Gonz. ad. reg. 8. Cancell. glos. 5. num. 91. & alij apud Barbof. d. par. 3. all. 60. nu. 77. quod minor 14. annorum potest beneficia simplicia adipisci, si ita expresse in fundatione statutū sit.

S V M M A R I V M.

- 1 Beneficia cōpatibilia quæ dicantur. 14
- 2 Beneficia incompatibilia ad duo genera reducuntur.
Quæ sint beneficia incompatibilia primi generis, ibidem.
An beneficium curatum habitu, vel potentia tantum, possit obtineri cum alio actu curato, ibidem.
- 3 Quæ sint beneficia secūdi generis
- 4 An dispositio Concilij Tridentini sess. 7. de ref. cap. 4. procedat in beneficijs simplicibus personalem residentiam requirentibus, & n. 5. & 6.
- 7 Qualis residentia requiratur ad hoc ut beneficiū dicatur incompatibile.
- 8 Siquis possit in canonicatu, & parochiali deservire, an in tali casu hæc beneficia censeantur incompatibilia.
- 9 Quæ beneficia censeantur esse sub eodem tecto.
- 10 Quæ beneficia dicantur uniformia & quæ difformia.
- 11 Beneficia uniformia sub eodem tecto sunt incompatibilia.
- 12 Iura magis abhorret, quod quis in eadem ecclesia habeat duo beneficia etiam simplicia cōformia quam quod in diuersis duo, curata.
- 13 Dispensatus ad duo beneficia nō censetur dispensatus, ut illa habeat in eadem ecclesia.
An possit testator disponere, quod Presentatus Capellaniam obtineat, quamuis habeat aliam uniformem in eadem ecclesia, ibidem.
Et an possit Episcopus super hac incompatibilitate dispensare, ibidem.
- 14 Beneficia difformia non sunt incompatibilia, & ideo possunt ex dispensatione Episcopi simul reneri in eadem ecclesia.
- 15 An Canonicus vel Rector alicuius ecclesia possit cum canonicatu, vel Rectoria retinere beneficiū simplex intra eandem ecclesiam.
An quis possit per substitutum deservire Capellaniæ existenti in ecclesia Cathedrali, si illius redditus consistant in distributionibus quotidianis, ibidem.
- 16 An possit quis simul retinere Capellaniam, unius Capelle cum alia Capellania diuersæ Capelle.
- 17 An huiusmodi beneficia sint incompatibilia, quando essent inter se repugnantia ratione seruitij.
- 18 Et an possit quis sub eodem tecto possidere tria beneficia difformia.
Obtinens Canonicatum, cui post Concilium Tridentinum iniunctum est onus pœnitentiariæ, nō potest aliud beneficium simplex in eadem ecclesia obtinere.

Et